

隆乾

黔西州志

清·馮光宿 纂修

乾隆九年成書 八卷首一卷 未刊

一九六六年貴州省圖書館據南京大學

圖書館藏鈔本複製油印本 附校勘記

乾隆《黔西州志》複製說明

《黔西州志》，八卷，首一卷，清乾隆九年知州馮光宿纂修，未刊，現據南京大學圖書館藏鈔本複製。

本書是封建地主官僚為歌頌其統治而修纂的，在對問題的提法和資料的收集範圍方面，都反映了纂修者的反動觀點和立場，只能作為反面資料使用。

複製這部書主要是供給領導幹部、科學工作者及貴州地方資料的研究者參攷，所以一切均按照

黔西州志

複製說明

原鈔本刻印，僅據有關志書校正了一些錯別字，列有「校勘記」於書末，供參攷。如有不妥之處，請批評指正。

承南京大學圖書館借給藏本，謹此致謝。

貴州省圖書館

一九六六年七月

黔西州志目錄附輿圖

卷之一

天文

星野

氣候

祥異

卷之二

地理

建置

疆域

黔西州志

卷首

形勝

山川

關梁

郵傳

風俗

苗蠻

古蹟

卷之三

營建

城池

公署

學校

義學

壇廟

寺觀

里場

卷之四

食貨

戶口

田賦

黔西州志

卷首

二

稅課

經費

蠲恤

積貯

物產

卷之五

秩官

官制

職官

名宦

土司

卷之六

武備

兵制

師旅考

卷之七

人物

選舉

孝義

官蹟

黔西州志

卷首

三

隱逸

節婦

流寓

仙釋

卷之八

藝文

贊

序

引

碑記

詩

黔西州志

卷首

四

凡例

一郡本無志有之自前牧何縉始然當置郡之初不過撮其梗概厥後鮑牧有志素而無紀未付剞劂茲斟酌損益悉本張大中丞通志列天文地理等八綱用統眾目以類相從庶有條不紊

一郡志有圖便觀覽也星野疆域城池衛署學宮寺廟皆一郡大觀應繪冊首

一里場村寨詳載無遺塘汛遠近備書其地俾官斯土者一目了然

一職官附載係屬選舉並錄貢監非敢妄增以郡志

黔西州志

卷首

五

不得不詳也

一節婦已題達者悉遵通志其未經題達者前牧所旌獎者亦為載入非唯善善從長且使後人觀型也

一調恤陣亡弁兵備錄其姓氏者以役為

國身亡不欲其湮沒無傳故載之以誌不朽耳

一蒞茲郡者凡有彈於地方事無論鉅細悉為詳載固欲不沒人善亦以為法將來也

一志者一郡之史也考義官蹟隱逸流寓例得載入以俟他年採入


國史且記前人之盛蹟為後人之法戒謂阿所好
斷乎不敢至郡之所無姑闕以俟
乾隆甲子孟春之吉黔西州知州馮光宿謹識

圖考志



自有書契即有圖史義畫禹疇其來尚矣嗣是幽
風王會之篇類皆有圖故古人讀書經世必左圖
右史誠以有史無圖莫核也州北高南下東河西
溪廣輪所居地勢各殊遠之疆域山川近之城郭
學署微而星野躔次顯而衝道關梁羸縮少訛位
置失當何足信今而傳後茲竊撮概覈微繪圖篇
首一披覽而得真形百里巖疆卧治者可肘腋便
也作圖考志


黔西州參井分野之圖

參天二星十度五十分位次中以寅作藥上星皆明
星四經曰七個參星下直樹二屏星并參右臨天則




井下八星三十一度位次未行列河中天井正明天
星經曰井傍一銀星四井宿之水府上五侯橫北天河三軍市西積
孤中一野雞丈一人子關丘各二星四積南河傍中一個
星老人






黔西州志



卷首






黔西州志

卷首










玉皇閣

黔西州志

卷首

十六



觀音寺

觀音殿


三官殿

先農廟

先農廟

接官廳

牌坊




三官殿





黔西州志

卷首

十七



祖師殿







黔西州志

卷首

十六








接官廳



黔西州志

卷首

十九



黔西州志卷之一

天文志序 星野 氣候 祥異



按周禮保章氏以星土辨九州所封疆域皆有分
星驗氣候以觀祥異星野之說誠非虛謬然理甚
淵微而分度最難清著矧黔西巖爾巖穰仰觀天
文似不足當象緯之分秒果孰從而定諸考為首
地界梁州星分參井之餘漢改益州史記天官書
謂益為參分晉以將河入參五度其於次舍必有
當矣迺精氣潛通善言發而星迴婦冤白而雨降
豈古隅不足動乾象哉易曰天垂象見吉凶書曰

黔西州志

卷之一

欽若昊天僅管窺云爾乎作天文志

星野

謝東山志曰宣慰司今黔西州衛前衛今龍里
新添今平越平越清平興隆今黃平威清今清平平壩今安
縣今普定安莊今鎮安南普安畢節烏撒今威寧赤水
等十六衛俱參井都勻府程番府今定永寧鎮寧
安順普安四州俱參井之餘思州思南鎮遠石阡
銅仁黎平六府俱翼軫之餘
沈思充通志曰貴陽都勻石阡思南四府宣慰司
定番安順鎮寧永寧普安五州貴筑威清平壩普

定安莊安南普安畢節烏撒赤水龍里新添平越
清平興隆都勻一十七衛普市黃平二所俱井鬼

分野鎮遠銅仁思州黎平四府俱柳星之餘

衛既齊志曰黔古無分野之說一統志以宣慰司

普安州為參井銅仁為星黎平為翼軫沈志則以

貴陽等處為井鬼而以銅鎮思黎平為柳分郭記

又以屬鬼近似今按漢武所設之益州乃越巂犍

為將河三郡越巂屬滇犍為屬蜀將河所轄二十

四邑貴陽以上皆其地也陳卓謂將河入參五度

而班固謂東井與鬼秦之分野西南將河越巂二

黔西州志

卷之一

二

州皆宜屬焉則自平越以上皆為參井無疑矣獨
是思銅四郡為柳分似難為據按唐志云翼軫
尾自房陵白帝而東盡漢之南郡江夏東達盧江
南郡之濱彭蠡之西長沙武陵桂陽零陵又逾南
紀盡鬱林合浦之地自沅湘上流西達黔安之左
皆全楚之分黔安即今之思南則銅鎮四郡自應
與楚同占翼軫而不入柳分也或曰將河既屬益
州近梁州今舍臂鬼而從參井何也曰此非臆說
也將河占參而不占臂陳說已明至益州兼井而
不兼鬼則李淳風所云自畢十三度至井十五度

屬益州之言可驗也度之多者無如井少者無如
觜是以井兼雍梁益三州亦猶斗牛兼吳越豫章
也萬曆庚子狼星入於東井占者以為滅播之象
既而果應此非占在參井之一證耶或曰翼軫隔
柳星張三位踰此及彼何名分野曰亦非臆說也
僧一行曰懸象在天其本在地星之與土以精氣
相屬而不係於方隅袁坤儀有言躔次相配者少
相反者多青正東元枵在北雍正西鶉首在南則
四郡之餘踰柳星張而躔翼軫何以異此三人占
則從二人之言寧從其眾者而已故輒以管見謂

黔西州志

卷之一

三

黔為參井翼軫分野貴陽安順都勻平越威寧參
井之餘鎮遠石阡思南思州銅仁黎平翼軫之餘
黔西介在安順威寧之中其為參井也更無疑

參井占驗

參宿十星一曰參伐一曰大辰一曰天市一曰鈇
鉞主斬刈又為天獄主殺伐又主權衡所以平理
也又主邊城為九譯參白獸之體其中三星橫列
三將軍也東北曰左肩主左將軍西北曰右肩主
右將軍東南曰左足主後將軍西南曰右足主偏
將軍故黃帝占星參應七將軍中央三小星曰伐

天之都尉也三胡鮮卑戎狄之國凡十度右足入
畢十三度去極九十四度○觜觿三星為三軍之
候行軍之藏府主葆旅收斂萬物明則軍儲盈○
參旗九星在參西一曰天旗一曰天弓主司弓弩
之張○玉井四星在參右足下主水漿以給廚○
西南九星曰九旂天子之旗也○玉井東南四星
曰軍井行軍井也軍井未達將不言渴名取此也
○屏二星在玉井南為屏風天廚四星在屏東滿
也○天矢一星在廁南色黃則吉○軍市十三星
在參東南天軍貿易之市使有無通也○陽難一

黔西州志

卷之一

四

星主變怪在軍市中市西南二星曰丈人○丈人
東二星曰子子東二星曰孫
東井八星天之南門黃道所經天之亭候主水衡
事法令所取平也三者用法平則井星明而端列
凡三十三度去極六十九度○鉞一星附井之前
月宿井有風雨○狼一星在東井東南狼為野將
主侵畧色有常不欲變動也○孤九星在狼東南
天弓也主備盜賊常向於狼○老人一星在孤南
一曰南極常以秋分之旦見於丙春分之夕沒於
丁見則化平主壽昌○南河北河各三星夾東井

一曰天高天之闕門主關梁○南河一曰南成一
曰南宮一曰陽門一曰越門一曰權星主火○北
河一曰北成一曰北宮一曰陰門一曰胡門一曰
衡星主水兩河成間日月五星之常道也○南河
南二星曰闕邱主宮門外象魏也○五諸侯五星
在東井北主刺舉戒不虞又曰理陰陽察得失亦
曰主帝心一曰帝師二曰帝友三曰三公四曰博
士五曰太史此五者常為帝定疑議星明天潤澤
則天下大治○五諸侯南三星曰天鐸主盛饘粥
以給酒食之正也○東一星曰積水主候水災○

黔西州志

卷之一

五

積新一星在積水東供給庖廚之正也○水仁四
星在東井東主水衡○東井西南四星曰水府主
水之官也東井南垣之東四星曰四瀆江淮河濟
之精也

以上占驗出隋書天文志

氣候

夏無酷暑冬不嚴寒晴雨莫定涼熱靡常播種收
成無殊他郡

祥異

唐宋元明未服

王化無考

國朝

康熙四年大有年

二十三年大有年

雍正元年大有年

七年籍田穀一莖二三穗民間黍稷穗長一

尺三四寸不等每穗多至六七百粒

九年民間瓜果一蒂雙實

乾隆二年麥秀雙岐

六年大有年

黔西州志

卷之一

六

黔西州志卷之二

地理志序

建置

疆域

形勝

山川

關梁

黔西郡古三苗地也舊屬鬼方未入版圖自濟火氏佐丞相亮有功始封羅甸國歷唐宋以迄元明雖郵傳漸置而六廣迤西聲教猶未訖焉洪惟我朝乘六首出統一寰區舉凡雕題鑿齒之鄉月出雷無之國罔不梯山航海重譯來朝黔以水西片壤亦獻地投誠因踞山而郡之後枕獅拳前襟龍水左撫鴨池六廣右跨西溪落革居金筑之上游誠新疆之首郡也雖苗蠻雜處風俗不齊筆墨所至

黔西州志

卷之二

神會及之而披覽足當卧遊矣作地理志

建置

禹貢梁州荒裔漢屬牂牁西南境蜀諸葛亮南征蠻長濟濟火佐擒孟獲有功封羅甸國王唐元和六年羅羅鬼主上表請盡歸牂牁故地開成元年鬼主阿珮內附會昌中封其別帥為羅甸國王世襲爵宋開寶中普貴納土本志一名字貴考封襲宋史二名皆通如故元至元十五年羅施鬼國主阿梓內附詔授安撫使十七年復叛左丞李德輝諭降其酋長阿察奏改鬼國為順元路以阿察為順元路宣撫司

後改為宣慰司明洪武四年霽翠歸附授貴州宣

慰使永寧宣撫司內附置永寧衛後霽翠死都指

揮馬暉將以兵盡驅諸羅為郡縣諸羅欲反霽翠

妻奢香見太祖願効力開西鄙世保境以是除暉

太祖許之賜姓安氏香歸乃率諸羅開赤水烏撒

道以通烏蒙且立龍場九驛自是子孫世襲宣慰

使十五年於烏撒軍民府地置烏撒衛又置烏蒙

衛十六年徙烏蒙衛於畢節改置畢節衛二十二

年增置赤水衛又置普市摩泥阿落密白撒四守

禦所隸衛天啟二年安邦彥叛崇禎元年討平之

黔西州志

卷之二

二

後頭目卧這化沙等爭襲各獻地請設流因建大

方城置副將鎮守旋廢

國朝順治十五年大兵取滇宣慰使安坤為嚮導次

年仍授水西宣慰使司准世襲十八年裁摩泥白

撒阿落密三所康熙三年安坤與烏撒土知府安

重聖謀叛討平之以水西城為黔西府則窩以著

雄所三則溪屬之則漢者羅鬼語猶華言唐之州

宋之軍也二十三年改為州

漢西南夷牂牁郡地

唐羅甸國

宋 羅施鬼國

元 順元宣慰使

明 洪武四年罷為宣撫使六年陞為宣慰使

國朝 康熙三年設黔西府二十三年改州屬大定

府二十六年改大定為州屬威寧府雍正八

年仍以大定為府屬大定府

疆域

黔西在府東南一百一十里

東至貴陽府修文縣界九十里

西至本府界四十里

黔西州志

卷之二

三

南至平遠州界九十里

北至遵義府界一百五十里

東南至安順府清鎮縣界五十里

西南至本府界四十里

東北至修文縣界一百二十里

西北至遵義府界一百二十里

乾隆元年撥四川敘永廳之岩上岩下地方歸州

管轄

東至天生橋仁懷縣界二百五十里

西至卧泥河敘永廳界二百五十里

南至沙溪河七十里

北至漁塘河敘永廳界二百四十里

形勝

河繞鴨池山盤鬼箐水西要害貴筑屏藩

山川

獅子山在州署後首東尾西山形像酷似遠百步

有山小而圓名繡毬山

牛飲山在城內上有石如牛相傳嘗夜飲於河

印山在城東半里山出平田中形如印

東山在城東一里每夕陽在山則金紫萬狀

黔西州志

卷之二

四

扣鐘山在城東三十里

金雞山在城東八十里山頂有石雞舊入夜嘗鳴

有營葬其下者忽見人馬馳驟通之則隱因毀

其首遂不鳴其石猶存

白塔山在城西北百里岡麓皆土頂矗一石峯瑩

如白塔上有泉極清涼

轎子山在城西三十里石壁懸豎下有小溪石橋

與西溪相接

將軍岩在城西北百里巍峩獨峙相傳吼則兆兵

革界平寂然